



College Bound Innoñ ko & Melele ko Remool

Innoñ ko

College Bound (Etal ñan Kallōj) ej bōk eddoin kollā aolepen wōnāān ko ñan jikuul.



Ij pād ilo an wōr kallimur ñan jāān in jipañ ko kajojjo iiō ko inaj pād ilo jikuul ko rej bōk konaer.



Inaj lukkun bōk jāān in jipañ ko jen College Bound ñe emōj aō deloñ im kōttōprak aolep menin aikuj ko.



Imaroñ kōjerbal College Bound ñan kōttōpare degree in master eo.



Jāān in jipañ ko jen College Bound rejjab aikuj kōrrool i jekdoon kōn jabdewōt wūn ko.



Ijjab maroñ jolok juon jemejta ak iiō jen jikuul.



Ña ij juon rijjikuul eo ejjelok an peba in kamool jen iien eo deloñe tok lal in eo ej jokwe ilo state eo an Washington im jab maroñ kōiie ñan College Bound.



Melele ko Remool

College Bound (Etal ñan Kallōj) maroñ jab kollā aolep wōnāān ko. Joñan jāān in jipañ eo an juon rijjikuul naaj kalikare ālikin an bōk WA Grant (Jāān in Jipañ eo an WA) im jāān in jipañ jen state ko jet ak scholarship ko. Emaroñ jipañ kollā wōnāān ruum in jokwe im mōñā ñe jāān in jipañ ko jet rej bōk eddoin tuition ak wōnāān jikuul.

Aplikajen eo am ñan jāān in jipañ kollā wōnāān jikuul naaj etale kajojjo iiō ñan kamool bwe kwōj pādwōt ilowaan joñan kōmman jāān eo ekkar ñan maroñ bōk jipañ. Kwōj aikuj dāpid Kōjparok eo an Wōnmaanlok ko ilo Katak SAP (Satisfactory Academic Progress, Kōjparok eo an Wōnmaanmlok ko ilo Katak) āinwōt emōj kalikar jen jejjōt jikuul eo am.

Ñe emōj am bōk joñan eo elap jen WA Grant ak jāān in jipañ ko jet, kwōmaroñ jab bōk jipañ ko jet. Jelā kōn būrookraam ko an College Bound im WA Grant Coordination (Kōllaajrak Jāān in Jipañ eo an WA) ilo webjait eo ad.

Degree in Bachelor ej degree eo eutiejtata kwōmaroñ kōttōpare ilo am kōjerbal jāān in jipañ ko jen College Bound bōtaab kwōmaroñ bōk elaplok jen juon degree—āinwōt degree in associate mokta jen kadedelok degree in bachelor eo.

Jāān in jipañ kollā wōnāān jikuul maroñ aikuj kōrrool wōnāān ñe kwōjjab dāpij kōjparok eo an wōnmaanlok ko ilo katak SAP (Satisfactory Academic Progress, Kōjparok eo an Wōnmaanmlok ko ilo Katak), jolok etam jen kilāaj ko ālikin raan eo āliktata emōj kōtlok ñan diwōj, ak pād ilo wāween eo aikuj kōrrool wōnāān jāān in jipañ kollā wōnāān jikuul. Etale kakien ko ñan kōrrool wōnāān jāān in jipañ kollā wōnāān jikuul ippān jejjōtin jikuul eo am.

Toon wōt am deloñe kallōj ilowaan wōt juon iiō jen kar kadiwōjlok jen high jikuul, kwōmaroñ jolok juon iiō (ak elaplok) jen jikuul!

Toon wōt an tōprak menin aikuj ko ekkar ñan kakien ko ñan ro rej jokwe im būrookraam eo, jabdewōt rijjikuul ilo Washington remaroñ deloñe College Bound—men eo wōt kwōn kanne ñan WASFA im ejjab FAFSA.

